



POLITIET



Aukra kommune

Samarbeidsavtale

mellom

Møre og Romsdal politidistrikt

og

Aukra kommune

om

Førebyggande arbeid, politikontakten, politiråd og SLT¹

Innleiing

Denne samarbeidsavtalen skal bidra til å styrke samarbeidet mellom Politiet og kommunen. Det forebyggande arbeidet er viktig for å hindre kriminalitet og leggje til rette for eit trygt samfunn for alle. Politiet og kommunen har mange felles interesser. Ikkje berre i førebygginga retta mot ungdom, men også innanfor samfunns-planlegging og beredskap generelt.

Aukra kommune og Møre og Romsdal politidistrikt gjekk inn ein samarbeidsavtale om førebyggande arbeid, politikontakt, politiråd og SLT i 2018. Avtalen er revidert i 2022 og på nytt vedtatt i Aukra kommunestyre 17.11.2022.

Nærpolitireforma hadde seks prioriterte funksjonar. Ein av dei var politikontakt og politiråd. Politikontakten støttar politirådsarbeidet og fungerer som kontaktpunkt for det forebyggande arbeidet. Målet er at alt førebyggande arbeid både i kommune og politi skal samordnast med andre tenester hos begge partar, for å skapa eit tryggare og betre samfunn for innbygarane. I Aukra kommune er denne gjensidig forpliktande avtalen mellom kommunen og politiet samordna med SLT.

Det daglege ansvaret for polititenesta i Aukra kommune er lagt til Molde politistasjon. Her vil det vere publikumsmottak med opningstider også utanfor vanleg kontortid enkelte dagar. Patruljetenesta som dekker kommunane Molde, Aukra og Hustadvika er organisert ut frå Molde politistasjon.

Politikontakten

Politikontakten er fast kontaktpunkt mellom kommune og politi, og vil ha sin faste kontorstad på Molde politistasjon. Politikontakten skal også være til stades i kommunen for å skapa ein arena

¹ SLT = samordning av lokale rus og kriminalitetsførebyggande tiltak

for uformell personleg kontakt. Eventuelle kontordagar vert fastsett i samråd med ordførar. Det er ikkje meininga at politikontakten skal ha fast opningstid for publikum. Hovudregel blir at publikum må oppsøkjia Molde politistasjon, men kan etter ei konkret vurdering i kvar sak, få avtale i Aukra. Ved behov for møterom i Aukra kommune kan politikontakten kontakte kommunens serviceavdeling og få hjelp til å reservere rom. Ved behov kan politikontakten så langt dette ikkje kjem i konflikt med andre oppgåver, vere med på møter og liknande også utanom kontordagen.

Nokre av dei viktigaste oppgåvene for politikontakten blir:

- Vere eit av dei viktigaste kontaktpunkta mellom politi, publikum og kommunen.
- Vere med i utforminga av, og syta for oppfølging av lokale strategiar for førebygging av kriminalitet, rus, og radikaliserings.
- Syte for oppfølging av dei nasjonale kriminalitetsførebyggjande strategiane og orientere kommunen om aktuelle nasjonale strategiar og vurderingar, medrekna PST sin årlege trusselvurdering.
- Vere pådrivar i arbeidet med politiråd og SLT samarbeid.
- Gi råd om og sjå til at kriminalitetsførebyggjande metodar og tiltak vert rett brukt i kommunen.
- Vere ein del av resten av det kriminalitetsførebyggjande arbeidet i kommunen.

For å oppnå dette må politikontakten mellom anna:

- Arbeide for å skape ei felles oppfatning av problem og mål.
- Fremje deling av kunnskap og utveksling av erfaring mellom politi og kommune.
- Presentere politiet sin analyse av kriminaliteten i kommunen i dag og forventa utvikling, medrekna politiet sin etterretningsoppsumming (ESUM) som blir utarbeid kvar fjerde månad. Sjå dette i samheng med kommunen sine eigne vurderingar av situasjonen.
- Ha god lokalkunnskap og nødvendige fullmakter frå eigen organisasjon.
- Etablere samarbeid med andre offentlege organ og styremakter, næringsliv, frivillige lag og organisasjonar m.m.
- Delta aktivt i planlegging av politiet si operative teneste.

Politiråd

Aukra kommune har etablert politiråd. Ordførar er leiar for politirådet og kommunen har ansvar for sekretariat. Politirådet skal vere eit formalisert samarbeid mellom kommunen si øvste leiing og politiet. Rådet skal vere eit strategisk organ og sikra utveksling av kunnskap og erfaring mellom politi og kommune.

Politistasjonssjefen er fast medlem og i tillegg møter politikontakt. Politikontakt har ansvar for oppfølging frå politiet. Både kommune og politi skal fremje saker til politiråd.

SLT

Kommunen har ei deltidsstilling som SLT-koordinator. SLT-koordinator har ansvar for på kommunen sine vegne, å syte for at dei lokale, offentlege og frivillige ressursar innan førebygging arbeider etter felles strategi og mot felles mål. SLT koordinator skal delta i Politirådet sine møter.

Forventningar til samarbeid

Politikontakt er eit samarbeidsprosjekt mellom kommune og politi.

Politikontakten skal vere tilgjengeleg i/for kommunen minst dei timar som svarar til ein dag i veka (20% stilling). Det kan vere ein fast vekedag, men politikontakten og kommunen vert samde om korleis dette praktisk skal organiserast. Både politi og kommune skal arbeide for å gjere politikontakten kjent i sine organisasjonar.

Kommunen skal aktivt inkludere politikontakten i planarbeid og møter der agenda har aktuelle tema for samarbeidet. Dette gjeld både interne møter og møter med næringsliv og frivillige lag og organisasjonar.

Politikontakten skal aktivt søke kontakt med sine samarbeidspartar i kommunen.

Spesielle fokusområde

Politikontakten skal ha ei viktig rolle for vere pådrivar for alt førebyggjande arbeid i kommunen, og jobbe for å styrke det eksisterande førebyggjande arbeid som alt er etablert. Han skal så langt ressursen tillèt det, vere med i det praktiske arbeid som for eksempel samarbeidsmøte og foredrag i skular eller liknande, eller sørge for at politiet deltek.

Politikontakten skal ha kontakt med næringslivet. Han skal også ha særleg fokus på kontakt med lokalt NAV-kontor, kommunale helsetenester, skular, det interkommunale barnevernet og Innvandring/Integrering. Dei fokuserte områda der det ikkje allereie er etablert jamn og god kontakt skal slikt samarbeid prioriterast å få på plass.

Å hente inn etterretning og informasjon om trendar og utviklingstrekk i lokalsamfunnet blir viktig. Opplysningar om grupperingar og enkeltpersonar som er inne i ei negativ utvikling blir også viktig. Dette må sjåast i samanheng med informasjon som kommunen har. I dette arbeidet må det vere eit nært samarbeid med SLT-koordinator slik at tiltak kan målrettast. For å sikre samordning og heilskap i tiltak, er det nødvendig å tenke tverrfagleg på tvers av tenestetilbod og forvaltningsnivå.

Politikontakten sin organisatoriske plassering, fullmakter m.m.

Politikontakten er plassert ved Molde politistasjon tenesteeining i den geografiske driftseininga Nordmøre og Romsdal. Politikontakten skal ha dei nødvendige fullmakter frå eigen organisasjon for å kunne utføre dei oppgåver han er pålagt.

Organisering av samarbeidet

Politikontakten skal kunne ha uformell kontakt med og samarbeida med alle nivå i eigen og kommunal administrasjon. Kvar av partane har sjølve ansvar for å journalføre det som skal inn i dei respektive journalar.

Teieplikt – samarbeid mot felles mål

Politiet har etter lov og forskrift teieplikt om alt dei i tenesta får av opplysningar som skal vernast eller som ikkje er allment kjende. Politiregisterlova og forskrifter til denne, opnar for at opplysningar kan utvekslast med andre samarbeidspartar i tråd med lova. I enkelte høve kan politiet etter politiregisterlova og straffeprosesslova med påtaleinstruksen ha opplysningsplikt. Alle samarbeidspartar må vurdere si teieplikt om alle opplysningar dei har sjølv eller får kunnskap om i samarbeidet.

Evaluering

Denne avtalen skal vere fast sak på politirådet sitt første møte kvart år. Den kan ved behov, også takast opp i dei andre møta i løpet av året.

Gyldig

Denne samarbeidsavtalen er gyldig til den eventuelt vert erstatta av ein ny avtale.

Aukra/Ålesund __. __. ____

Ingar Bøen
Politimeister
Møre og Romsdal politidistrikt

Odd Jørgen Nilssen
Ordfører
Aukra kommune